

ARLEF: GNÛFS BANTS PE PROMOZION DE LENGHE FURLANE

Tiermin par presentâ lis domandis: al prin di Setembar, 105 mil euros i fonts a disposizion.

La ARLeF (Agenzie Regjonâl pe Lenghe Furlane) e à emanât trê gnûfs bants trienâi (2016-2018) pe realizazion di **projets pe promozion de lenghe furlane intai setôrs de editorie, de ricercje scientifiche e dal spettacul**. I impuarts metûts a disposizion a son, pal 2016, in maniere respetive: 35 mil euros, 40 mil e 15 mil, par un totâl di 90 mil euros.

Pe editorie, a son previodûts finanziaments aes librariis che si impegnin a fâ cressi la visibilitât dai libris par furlan (10 mil euros) e pe stampe di gnovis publicazions pe infanzie (25 mil euros). Pe ricercje scientifiche, e ven supuartade la creazion di un Centri di documentazion pe lenghe furlane cul compit di racuei e di catalogâ i materiâi didactics pal insegnament de lenghe furlane (30 mil euros) e lis iniziativis didatichis, simpri leadis al insegnament, intes scuelis secundariis di II grât (10 mil euros).

Intal setôr dal spettacul si finanzia, par 15 mil euros, la realizazion di ativitâts di promozion de lenghe furlane cun spettacui e ativitâts indreçadis ai zovins in almancul doi avigniments culturâi, turistics, enogastronomics di nivel regjonâl, vierts al public. Infîn, al è stât publicât un bant di pueste pal acuisit di oparis (cartaciis, audiovisivis o multimediâls) in marilenghe (15 mil euros).

Lis **domandis** a varan di rivâ dentri dal tiermin di **misdi (12:00) dal prin di Setembar dal 2016**, daûr des modalitâts specificadis intai bants respetîfs, che si puedin consultâ inte sezion “Bants Garis Avîs” dal sît istituzionâl de Agenzie: www.arlef.it.

Altris informazions si puedin domandâ ai numars 0432.555798 o 0432.555881, o scrivint aes direzions di pueste eletroniche: federica.delpino@regione.fvg.it o tiziano.mion@regione.fvg.it

Udin, ai 29 di lui dal 2016

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<